

SCRIPT OF MORNING GOJRI NEWS BULLETIN 6MAY 2025 1015HRS

مارننگ گو جری نیوز بلیٹن مورخہ 6 مئی 2025

یوہ آکا شوانی جموں ہے عبیدالرحمان تیں خبر سٹو۔

MHA MOCK DRILL

مرکزی وزارت داخلہ نے ریاستاں تے مرکزی زیر انتظام علاقان نانہہ کہیو ہے کہ وے آئندہ کل فرضی ڈریل غا انعقاد کریں تانجے ملک غیاندر حفاظتی تیاریاں گو جیازو لیو جاسکے وزارت نے فیصلو کیو ہے کہ ملک غے اندر سول ڈفینس زمران گا ۲ سو ۴۴ ضلعان غے اندر یاہ حفاظتی مشق منعقد کی جے غی تے یاہ حفاظتی مشق منصوبہ وار طریقان نال گرہیں سطح توڑی وی منعقد وے غی اس ضمن مانہہ مرکزی داخلہ سیکرٹری گووند موہن اج ریاستاں غا چیف سیکرٹریاں نال میٹنگ وی کریں غا واضع رہ کہ اس فرضی مشق غو بنیادی مقصد دفاعی نظام غو جیازو لینو ہاٹ لاین یا ریڈیو ور گل بات غا زیریعاں نانہہ بھارتیہ فضائیہ نال مزید فعال بنانو تے ملک مانہہ قائم کنٹرول کمران غی جانچ شامل ہے اس مشق غے دوران مقامی باشندان تیں علاوہ طلبہ نانہہ وی کسے غیر یقینی صورتحال نال نیڑن متعلق تربیت فراہم کی جے غی۔

LOC FIRING

بھارتیہ فوج نے گزشتہ رات قبضہ لکیر ور پاکستان غی طرفون کی گئی گولی باری غو موثر جواب دتو ہے دفاعی ذریعاں نے دسیو ہے کہ پاکستانی فوج نے لوک ہتھیاراں نال قبضہ لکیر غینیڑے کپوارہ بارہمولہ پونچھ راجوری مینڈر نوشہرہ سندر بنی تے اکھنور علاقان مانہہ بلا اشتعال گولی باری کی بھارتیہ فوج نے اس گولی باری غو موثر جواب دتو ہے تے اس گولی باری مانہہ یکسے وی جانی یا مالی نقصان غی کوئے اطلاع نہیں ہے۔

LG AMARNATH

لیفٹیننٹ گورنر منوج سنہا نے گزشتہ روز پنتھ چوک سرینگر مانہہ چل رہیا یاتری نواس شری امرناتھ شرما این بورڈ تے دفتر غا تعمیراتی کم غو جیازو لیو اس دوران ایل جی موصوف نے اس پروجیکٹ نانہہ وقت رہتاں مکمل کرنی ہدایت جاری کی ایل جی موصوف نانہہ دسیو گیو کہ اس یاتری نواس غا ۴ چھتاں غو کام مکمل کرلیو گیو ہے تے باقی ماندہ ۲ چھتاں غو کام وی جون مہینہ غا آخر توڑی مکمل ہو جے غو۔ ایل جی موصوف نے متعلقہ افسران نانہہ ہدایت جاری کی کہ وے کام غی رفتار مانہہ تیزی لیاویں تے ماندہ کام نانہہ جلد مکمل کریں۔

DIV COM AMARNATH

خطائی کمشنر جموں رامیش کمار نے گزشتہ روز شری امرناتھ جی یاترا ۲ ہزار ۵۲ غا سلسلہ مانہہ ایک میٹنگ غی صدارت کی اس دوران کمشنر موصوف نے ضلع انتظامیہ تے متعلقہ محکمان غا حکام نانہہ ہدایت جاری کہ کہ وے تمام ماندہ کام کاج غا ٹینڈر جلد جاری کریں اس کام کاج مانہہ بنیادی سہولیات مثلاً بجلی پانی بیت الخلا تے آرام کرن آلی جگہاں غا کام کاج شامل ہیں تاکہ عقیدت مندان نانہہ یاترا غے دوران کسے قسم غی پریشانی نانہہ آوے متعلقہ ڈپٹی کمشنران نانہہ ہدایت جاری کی گئی ہے کہ وے مذکورہ کام کاج ور ذاتی نظر رکھیں تے ویلے سرے تمام تیاری مکمل کراویں۔

SPEAKER ASSEMBLY

جموں کشمیر قانون ساز اسمبلی غا سپیکر عبدالرحیم راتھر نے گزشتہ روز سرینگر مانہہ اسمبلی احاطہ گو دورو لایو تانجے بکھ بکھ دفاتراں غا کم کاج غو جیازو لیو جاسکے اس دوران موصوف نے کمپلیکس غے اندر بکھ بکھ سیکشنان گو جیازو لیو تے اُت موجود عملہ نال گل بات کی موصوف نے متعلقہ عملہ نانہہ ہدایت جاری کی کہ وے دفاتراں غیا ندر ضابطان نانہہ برقرار رکھیں تے لگا تار حاضری نانہہ یقینی بناویں اس تیں علاوہ تمام قایلاں غو مرحلہ وار طریقہ نال نیٹارو کریں سپیکر موصوف نے دفاتراں غے اندر پینغا پانی تے بجلی تیں علاوہ دیگر ضروری سہولیات غو وی جیازو لیو۔

ELECTORAL ROLLS

جموں کشمیر گا ۲ انتخابی حلقاں غے اندر خصوصی سمیری رویزن ۲ ہزار ۵۲ غو کام مکمل ہون تیں بعد گزشتہ روز انتخابی اندراج دفتران تیں حتمی انتخابی رول شائع کردتی گئی ہیں ضلع جموں مانہہ ۷۷ نگروٹہ تے بڈگام ضلع مانہہ ۷۲ بڈگام انتخابی حلقہ غے اندر متعلقہ انتخابی اندراج دفتران نے یوہ کام مکمل کر غے سیاسی پارٹیاں گا نمائندہ غے حوالے کردتو ہے اس دوران نگروٹہ غے اندر ۵ نوا انتخابی مرکز قائم کیا گیا ہیں جدکہ بڈگام غے اندر ۷۱ نوا انتخابی مرکز غا اضافو ہویو ہے اس طرح جموں ضلع غے اندر انتخابی مرکز غا گنتی ۱ سو ۰۵ جدکہ بڈگام مانہہ یاہ تعداد ۱ سو ۳۷ ہو گئی ہے۔

FIRE HYDRANTS

جموں سمارٹ سیٹی پروجیکٹ غے تحت ہنگامی صورتحال نال نیڑن تے آگ لگن غا واقعات ور قابو پان خاطر ریزیڈنسی روڈ جموں ور آگ بھجان آلا سلینڈر نصب کیا گیا ہیں یوہ قدم گھنی آبادی تے بڑی تعداد مانہہ رہائشی تعمیرات غے پیش نظر لیو گیو ہے تاکہ آگ لگن غاکسے وی ممکنہ واقعہ نال نیڑیو جاسکے مقامی رہائشیاں تے دوکانداران نے سرکار غا اس قدم ور کوشی گو اظہار کیو ریزیڈنسی روڈ مارکت تنظیم غی صدر پوجا کپور نے کہیو کہ آگ ور قابو پان آلا یہ سلینڈر شہر غے اندر مقامی لوکاں نانہہ آگ غا واقعات تیں تحفظ فراہم کریں گا۔

PMAY U TRAINING

گزشتہ روز ساتہہ ادھمپور راجوری ضلعان غے اندر پردھان منتری آواس یوجنا شہری ۲ اشاریہ صفر غا سلسلہ مانہہ ۱ روزہ تربیتی پروگرام کامیابی نال مکمل ہو گیو مذکورہ ضلعان غے اندر یوہ پروگرام ایڈیشنل ضلع ترقیاتی کمشنران غی نگرانی مانہہ منعقد ہویو اس پروگرام غو مقصد متعلقہ عملہ نانہہ شہری علاقان غے اندر بے گھر افراد غی نشاندہی کرن غی تربیت فراہم کرنو تھو اس دوران سپروائزر تے عملہ غا دیگر افراد نے بڑی تعداد مانہہ تربیتی پروگرام مانہہ شرکت کی۔

NEWS READ BY ABAID UR REHMAN
EDITOR KUNAL SHRIVATSA
TECH ASST KOMAL
SKILLED TARSEM
DEO NUSRAT